




旅聲
筑語
弄間
草

第四帙



Faint vertical text columns on the right page, likely bleed-through from the reverse side of the book.

樓外望遠望江至

坐擁高臺百望

空兵衛百集

乘運兵盡百餘

無運兵況

大器後

及雲

長

區

旅聲

震澤葛一龍著
寒河譚元春選

勞勞亭故址留別

金陵送客處遠過水西橋亭廢名猶苦岐
分鬢已凋細吹風若語枯立樹無聊不及
從容顧江船趁一潮

宿浦口酬過江一二友人

行者昏昏去應如寐與酣城新知浦口月
出是江南別詎忍同衆情難爲再三滁陽
亭上酌留以待歸驂

過梁溪不及訪鄒彥吉先生因寄

順帆輕楫渡斜日遠烟村數里坐超忽片
言難具論人儀此瞻仰吾道有司存上坐
衣鶉結中林櫪馬喧聲歌發金石經濟托
丘函一刺懷將版孤峰望益尊堞雲空戀

戀溪水落霜痕

新豐曉行

土屋暖堪睡主人燈在門爰循疲馬路漸
入遠鷄村山瘖乘霜氣溝深凍月痕隔疆
兵燹地一邑幾家存

謁閔子祠

廣路列豐碑高墳貌古祠塵邊下馬客枝
上哺烏兒必汶辭他復同顏發聖思三千

年以後孝治有餘師

徐州寇退喜會諸弟姪

弟姪客邊親生存亂後身寄書通不報覲
面始爲真臥起燈三滅悲懽酒數巡故園
同此念長至乃明晨

河上與弟實甫

萬里湯湯天盡頭幾年衣帶古徐州無風
忽自起神澗欲渡應先溯逆流險阻氛侵

當十面功成保障說諸侯弟兄徒倚蘇堤
日歌笑重聞燕子樓

發彭門寄寇尊生

到卽問樓屋猶在百里外我車逼歲暮僕
夫急征邁旣爲小草出行止自無柰十年
空寄書一日不相待西望砮礮山雲氣結
成蓋

沛上宵征

路長寒日短晝夜著征衫霜地平於水風
樓列似帆循聲向雞犬宜土少松杉一度
鴻溝月高皇舊里閭

濟寧公館喜會俞大光祿

語及多竒喜復嗟路偏晴不動塵沙坐呼
着膝娛千里拜起焚香看五花酒畔霜移
近牀月簾前雲散隔林鴉難忘帶醉題書
別北道郵亭濟水涯

微雪

微雪飄能遠關山度幾何塵中看不辨陰
處覺存多若爲江南客奚堪沛上歌
云乍見冬至一旬過

臘八日鄭州雪後懷郭聖僕

白沙如雪雪封沙步步思君樹樹花夜半
塔薰清曉粥與誰同在朗公家

盧溝月夜柬聖胎

十年離夢隔盧溝
溝水年年入夢流
今夜踏霜橋上過
月明還照兩邊愁

禮旃檀像

未禮心心見
光容等一慈
住持從得地
遷次已知疲
照月乃初鏡
飾金非故緇
學人誰可語
孔李亦同時

都門除夜

豈惟冬盡夜
已覺路通天
蒿酒苦不厭
雪

燈寒亦然爲親寬
自老同客讓他眠
長樂鐘聲遠
因愁聽獨先

出都逢立春

出門行李似歸人
誰道歸期未卽真
馬上客愁愁計日
一年爲客兩逢春

春夜再飲生共

春酒融春雪
春歌復夜徵
坐中誰不飲
飲外我無能
風入聞嘶馬
月來催上燈
影移

花傍客相顧若爲矜

正月十六夜同法幢訪蘊璞師於金

剛寺

禪燈一晝夜夜續上元春花外無明種光
中不壞身居然般若地原是石頭人塵夢
年年異今看向日真

我書齋與李聖度會別

近遠客初年相遭卽是緣春風生馬上春

雪照花前氣異屢難似情多用得專今宵
忽語別况乃落燈筵。

寄曹元巽

行行湖上別忽忽酒間夢旣別復致語惟
恐世爲用東風二月吹葉乾未開凍憶曾
期此時君歸我來送詎意身許人何由得
輕動倘躡廬山巔遠寄雲一甕

夜過陸晉侯新屋

固是緣隣徙菴居適對門不知誰遠客先
共此黃昏眉月生簾綵情歌後酒魂春雖
無一半花事也須論

二月十二日重過愚公

斜景蕩陰翳餘寒生寂寥曾同過月夜今
復對花朝石上雲松立籬根雪菜挑懶因
成禁足送客到門遙

京兆王公招同張法幢候若木

客能來不次坐亦許頻更一日飲相對五
湖心復生春山着色遠鳴鳥悅枝榮門外
天星亂行燈滿帝城

倪不瀆至

門前忽下馬猶未信君來對面轉無語得
書翻怕開草芳初客遠月上獨行催母老
應同我離腸日幾迴

鄂聖胎佛骨齋梅花

梅花今日見不是故園春一舍爲香國孤
雲結化身晨昏應得所清冷更無鄰以我
頻頻過何曾厭酒人

春日張林宗寺寓賦得天欲今朝雨
翳翳四雲上冥冥一氣勻滋芳應有待消
凍得無因草色天邊路杯香寺裡春晴陰
卽時事莫悞看花人

夜看候太史瓶中桃花

絲雨坐來歇折枝舒小紅水神扶豔夜春
面受微風酒對光相暈燈移影不同可勝
烟裊裊復那月濛濛

清明日高梁橋看新柳

喧喧出塵路春向郭西尋千樹舞千態一
絲牽一心帶黃初照日雖綠未成陰小酌
聊相命風光醉客深

任丘孫茂先訪予病次贈送四絕

鬚虬面玉氣翩翩供奉才情洗馬年已中
千人萬人選如何只欠一人緣

出外經年病一身不知吹過柳花春倏從
枕上傳名姓四五年前夢見人

談時已勝韓康藥坐處還留荀令香風雨
驟來燈燭換爲君今夕下匡牀

客中送客自生憐二麥青青四月天握手
算歸同一路君程三百我三千

都門病後送吳于逵赴曲周

龍城路繞五雲通駿市塵喧十丈紅我屋
數月病三據旅命如絲繫千慮得君臥次
予未知花好江南春雨時自此過從無間
日予草從君懷袖出信乎有道交不同死
生可托傾蓋中三朝詩藥隱金馬美業不
在師保下如何垂老只一貧蕭然八口出
疆晨國門冠蓋爭攀綰香絮狂吹愁思滿

瓶花

折應煩素手來訔帶私爐一見如杵訔
移得近眠景光春可駐夜色曉猶憐香蝶
依依處誰知是客遠

寄林宗

客到燕山盡一年六年前夢此依然也知
行路分南北相見如期不後先夜放雪跡
城浸月春眠花寺酒拖天小郎未語能娛

滕學得鷄鳴向客傳

雨

昨雨夜聲急枕上初不知夢回芳草路將
及到家時

窓月

非不愛良夜夜良轉淒惻虛窓面廣除片
月掛如璧明明入孤懷淡淡守東白何時
約歸裝爲我照驅策

懷六觀

少壯任馳騫每結山中鄰
垂老信空寂且爲行路人
蓼蟲不知甘冰虫不知暑
驚飈颯秋魂把誦別時語

寄凝甫

衣緇與衣素同是出山伴
燕山五月雪歸鴻一聲斷
聞君壽阿母爲母留僧飯
感念勞心神相揆獨慚汗

樾館貽吳仲晦

別館在山縣旅居仍借名
題如蕭字古老甚越吟情
日月資盤礴肝腸擲友生
醉歸常得晏朝騎許同行

西山

西山只隔此城墻日日惟看駐
夕陽却笑在家游以臥今來爲客懶
如忙烟萋路草天涯綠風擊林花
雪片香得到定然歸不

遠好持明月問支郎

送李元鎮祠部冊封楚藩

冲聖敦嫺睦分圭出九閭王程開碣石天
派遶荆門湖泊樓前俯叅當嶽外尊風烟
勞駐節木石解承恩晉接皆隆準披揚
足大言樂張魚鳥避襟擴水雲吞望氣猶
龍至還朝錫馬蕃躊躇爲此別難臥使君
軒

六月十六日再與于達酌別

久客望歸路遙遙天外雲故人將別語耿
耿病中聞斟酌杯雙進虧盈月一分平生
重恩怨不負灌將軍

林屋洞中送客六月廿五夜夢作

宛爾在深巷不知天地空石響滴爲雨草
光搖若風秘却此中語信於何處通殷勤
送君去一路桃花紅

方產
御苑牡丹次葉少師

開依日月寵光新自有微風蕩綺塵不敢
舉頭非是禁似難程品獨當宸循臺艷炙
層層玉迓輦香先步步茵 聖主澹無妖
冶好賞同魚藻樂惟真

西方庵訪潘寒汀

亦知非郭外所處自幽遐屋角提青蔓庭
心樹紫茄更裘卽御葛握髮便籠紗細語

予歸日經過一問家

七夕同周虞卿雨飲姜神超因寄法

幢城外

客心忘節序語及自然驚點滴燈前雨有
無機上聲秋能深夜坐天亦近人情倚醉
遙相望星河隔一城

種松詩爲聖胎賦

移得孤松帶石苓雨中辛苦後山丁千頭

直上細烟霧一臂欲拿深戶庭擁書不眠
夜聽蕭把酒仰看秋眉青今君有此復何
慕木榻惟堪置管寧

秋夜同武仲宿呂公堂

草木自烟翳居廛半水周帝城偏一角仙
路入高秋月晒地霜起風翻天漢流如期
同襪破清極夢難游

乘月過聖胎看竹

明月忽又滿不眠眠復驚馬出門無十步看
竹已三更寒隋水雲碧秋搖風露清主人
亦暫寓灑灑客中情

善果寺訪法幢

出城三里樹陰陰及到林中路轉深半啓
白雲僧識面乍飛黃葉客驚心酣餘似可
憑秋薜約再應須抱夕衾不雨不晴閑一
日幾分齋飯下幽禽

林宗許飲松下不至寄之

未醉與將別諾言無異同彭亨携樹底款
段出城東高蔭落秋翠斜光銷夕紅坐寒
衣謾謾惆悵寄松風

將別吳文中作相逢行贈之

北風蕭蕭雪滿驢尋君官舍城東隅見予
驚詫別許久面何老皺斑鬣鬚予謂勿驚
且爲悅所遇從前爲予說 先帝知名未

召見中官擎賜歲除榼是時聖穆省朝儀
特許天顏一見之芒屨山衣御前脫恩波
沐浴鳳凰池傳宣供奉無朝夜篋中睿札
龍光射侍班稱嘆宰輔竒先後之吳有江
夏忽成軒鼎湖深隨地攀髯慟不禁
冲齡嗣聖稱大孝簡在彌加 先帝心金
滕幽秘千秋積缺衮其間備寶錄錄成一
代誰得觀落盡眉毛筆花秃還聞坊表表

先人有子桓桓杆衛臣孝義一門天語載
肖貌五岳坤靈神記曾夙昔相期許何如
蔡澤逢唐舉彈指彈冠十五年今復高歌
歌爾汝

秋懷

一輩稱先達滄洲挾布衣獨慚將暮景
匍昧知希風雨自朝夕邊疆多是非出門
鄉路在日日看人歸

送李果卿宰龍南

楚越一琴孤山川不盡途停舟傍月石鳴
鴈出霜蘆文采行中秘神明子大夫經過
彭澤里秋色未曾枯

六月七日石燈菴

今日猶爲客惟僧香火親低頭雙眼淚失
怙十年人

九月十四夜看月道上入庵

白月臨初地空涵一水寒圓時先隔夜近
處卽長安蓼影牽風弱茶烟觸露溥棲棲
者誰子亦共懶僧看

送劉念徵還吳

上書非得已天語幸相欽別我當黃節還
家有竹林西風吹葉脆南鴈入雲深去住
難爲夢關山夜夜砧

送王大中丞出鎮山東

菊蕊初黃梨葉丹上公專鎮擁桓桓九重
推轂天威寄一鉞當秋日氣寒自有清新
開府句人將依倚太山看陽春利用凋殘
後小隊從容訪杏壇

寄劉虛受兼訊王先民閱百先

山園好風景爲別兩年懷閣樹探巢鷺筵
花掛舞斂星多池上落照可飲中埋自不
離蓬戶何曾廢草鞋羊求非速客鷄黍間

清齋信托孤雲寄愁難一日排欲知予病
骨衣表見如柴

送張文弱署教象山

邑館孤臨海山溪細入烟門開通駿市郭
負有蚶田家口携初臘旌心曳遠天春風
隨意滿吹在百花前

佛骨齋爲聖胎兒賦

是佛原非骨因齋得此名諸空能萬卷一

日可三生立地雲初起離山雪未晴酒徒
爲護法念子當垂瓔壁素延花照窓紗格
樹聲以予頻過宿虛榻傍長明

送許巖長還莆

萬里擔簦客各尋僧舍居幾番期爲我曾
不顧尚書及此歲時暮行將冰雪俱仙人
家鯉涖因托夢何如

送陳季琳叅岳豫章

國門傾蓋卽傾壺官舍渾如一事無柰此
別時聞夕鴈念予歸計負秋鱸烟雲屬部
神仙吏風雨淋漓瀑布圖公案好憑高閣
了柳搖春浪綠平湖

次答林二茂之見懷兼主俞大光祿
雪帆水渡別經年秋燕春鴻信可憐病日
苦多難屈指畏途趨捷敢垂涎也知莊鳥
空吟楚却惟山公未秉銓夜酒每同應念

我梅花亭下月明前

雪中答蔡以寧

北風淒緊凍花飛寂掩松寮客到稀家在
兩山同一望不知寒盡可能歸

贈張侯

張侯骨竒髮怒指七尺磊砢出九死血戰
蠻雲瘴烟紫街枚鶴唳風聲起上將論功
不私已姓名得報 聖天子會如隔世添

悲喜少年舊事歸純綺

雪夜喜華孟宣折梅花一枝過訪

荒除雪欲滿旅况亦孤危愛有江南信憑
將馬上遺帛寒開酒夜如夢到家時響落
簷冰碎神流燭照移也知當病起猶恐借
春爲破屋先生老孤山處士誰飄零歲復
晚得見轉興思

除夕雙河菴

旅人相對夜眉色動年梢酒滿天爲壽爐
寒火再交早花歸禁籥生菜理春庖莫放
鄉心渡船水一路膠

夜看佛骨齋梅花

昨歲花重發薄游人未還來因乘好月看
卽在深山淨攝燈生慧寒凝石共閒醉憑
誰寫照烟水屋梁間

薛曾鄰還毘陵徐伯傳還馬跡山

倦客厭芳草不知行路春春邊忽送別別
乃是何人一命西川下五湖東郭鄰相期
應萬里珍重濟時身

俱泛湖中宅各分湖上崑夢游驚一見心
送越千帆時事誰堪語山靈易受讒路南
春自煖烟綠洗輕衫

曹元甫衙齋夜飲聽歌

雪盪燈紅夜不成明朝還卜上元晴花簾

只透含香氣竹肉難分隔面聲客以江南
當一坐漏從天上落三更九螭杯浸盈盈
綠銷盡春魂醉語生

李水部折紅梅見寄

情人易春感爲我剪輕紅欲贈猶自把此
心先已通氣淑沍寒際豔滋枯淡中旅燈
孤照夜還許對司空

送虞興宗

旅爨幾朝虛如僧比屋屈歸期間行李心
事出家書春近百五日歲經三兩除未能
君送我鄉望是青徐

過黎無求不遇

曲巷行不了白扉相對斜似先安客坐留
且醉君茶故紙盡竒字滿瓶皆野花弟兄
誰得問劇孟魯朱家

長安見新月

緩緩待黃昏低低可與言客邊愁易滿春
上攬無痕有美但西望將期猶北轅眉纖
多見嫉莫度漢宮門

送楊修齡先生開府南頓

薊北新烟上柳條虔南晴雨散花朝月高
烏府彤弓滿潮湧青城玉馬驕江派九分
憑四履風聲一樹格三苗還知不淺樓頭
典禮接詞人是下僚

加聲
與孫茂先夜話因致劉戶部伯仲
去年風雨宿相憶每生寒此夜香燈坐因
離不及懽望中家是月書後藥爲餐待我
春園酒憑君報二難

清明日報國寺松下送姜神超

竒攬不可狀此樹江南無何當折柳日來
挂踏春壺離色寒初地風聲響上都送君
深坐語香翠滿衣濡

見歸鴈

嚶嚶自爲驚天荒草未生隔年秋萬里幾
夜月三更遠影塞雲盡片愁南雪輕故鄉
書不寄只說離青城

送道上人還構李因寄秋潭師

無日不相見夜還乘醉過漫然方外別其
柰客中何海路通詩遠邦畿施藥多寄言
相念者黃葉下庭柯

加聲
蔡以寧游西山一月不歸寄訊

四月西山寺寺香酒邊行路竹間牀阿誰
公子離家早能主司空出郭乍嘶馬落花
當曉瀑問禪枯樹立斜陽舊鄰孤旅應堪
念橫卷鄉心一片蒼

筑語

種竹

葛一龍震甫

目塵何所見一草一木竒况乃數挺至敢
惜千緡爲搜橐旣若洗欲貸將焉之得購
亦云苦厚植忘我疲新梢掠窓素眼光綠
離離好雨西山來滋土如未移因思太湖
上百畝蕩風漪裸袒吸冰臥不知今復誰

會陳振狂

烏石山中客荆卿市上逢悲歌今已矣
懽笑且從容病起見秋草酒醒聞夜鐘
有兒能荷杖曾不媿荀龍

王子春南還不別

聞君歸念中夜起駟車曉度蘆溝水
情親如我不及說尋向空廬笑無鬼
蔡郎亦是平生人遠去西山百餘里
每寄書來問子

猷離聲應到松一耳

送吳聖初司馬鄜州

共此不盡意別時難具論中天分北斗
六月向西秦草疏懷將蔽明王夢有神
近秋無柳色君到蒲城春

送林仲長之任溫陵

郡從泉上立泉響訟聲聞愛我兄兼弟
之官雲復山主人二千石幕舍兩三間
送送

空勞結何時放白鷗

午日飲顧太史衙齋

不必論荆卿何須懷屈平盛遇以不明良舉
世無獨清坐見陣雲作殷其雷一聲醉客
相顧語甘澍當如傾物亢仰沾漑日佳忘
晦晴玆重九節蒲餌之身可輕

送曹元甫觀察杭嚴

蓮葉西邊蓮葉東去分吳越路香通起居

半是魚鳧外勾當不離山水中西子湖平
幾船月嚴陵臺挂一絲風愴予未得從公
邁六月燕天叫雪鴻

復公至

三十年前雨荒秋野寺深三千里外月燕
市酒家尋詩老惟存骨情空只問心還聞
丞相閣能視遠公林

訪譚友夏于萬福寺

幾雨抑途半未秋多病端言尋亦不遠得
到始知難一寺野香寂六時幽意安樹光
浮夕景如水照人寒

六月六夕袁田祖王子春張應君張
龍生蔡以寧小飲寓齋

晚客如歸到解衣花竹香輕颺飄露氣初
月養秋光未許雲山別都忘吳楚鄉情來
惟有醉燕市卽高陽

送施沛然別駕蘄州

路入炎雲萬里迂一行分刺海東隅郊勞
鳧使爭投舄氓隸鮫人莫問珠夜氣早能
生赤日秋聲先不到青梧而翁舊有甘棠
在隔郡連陰兩世扶

見庭中紫薇心動同友夏作

吾家曾手植初亦如許長連月照書屋數
間同一光

此花如久客一開開不了君來喜見花翻
覺主人好

答吳元翰

道衣禪悅自由身味盡山中草木春此地
忽驚來遠訊對君猶未信伊人正聲一輩
還存幾獨詣千秋不借鄰疎雨送涼堪問
酒共看山翠壓城闔

送王道遠署教崇德

相見各憐衣上塵耳中應老少年人一官
再補無他好棠梓陰連桃李春

聞說脂車復借舟潞河水滿急星郵凡過
一驛須題字可當此君風雨秋

張筵清夜幾招予曲奏琵琶掌弄珠偶出
青城不曾到今持一盞立須臾

杏園春早要來看今去匆匆別不難倘見
念予游况者謂能令藥貴長安

出東直門望昌平諸山寄以寧

幾年不見山幾日不見君今見此山問知
君惟隔雲雲濃山淡雨初歇山忽變雲雲
變雪諸陵松柏怒秋響可念城中飲水熱

孤村

斷橋磧路水流沙沙上孤村一兩家門掩
綠陰秋滿地阿翁携幼掃槐花

檀城道中

雨氣散空磧忽來何處寒萬山盤九塞一
臂托長安隼過當秋擊驟停未午餐行邊
有相國人不厭儒冠

白檀書院雙松下聞鄰笛

互影收竒戰分頭寫翠空向來戎馬地誰
植此清風濤枕欹三伏冰漿濯五中何須
怨關月秋在隔墻東

再宿牛闌山下

猶未歇鳴蟬幾炊青遠烟野荒行侶後鄉
念主人邊鱸晚才離罟瓶春偶到船廛居
一甌脫五日兩回眠

次答周安期

有廬山水處所幸與君同相念各在外相
逢猶熱中家音言笑得秋感性靈通塵几
埋殘草烟窓冷細叢茗泉香入淡花露碧
成紅問我長安日誰來今已翁

張同覆移寓報國寺寄之

出郭多名利因松此幽尋空秋結古秀日
氣銷寒陰雷神破壁走木客吹燈吟予病
臥一月過從須抱衾

隣砧

旅人惟藉夢不甚到家難何必此聲苦急
催今夜殘隔鄰秋萬里當枕月孤寒玃重
山妻語霜前芟製完

讀徐日方留山草

病客晝臥秋夢夢發函忽自來吳楓青天
繚繞飛烟虹裂石迸泉流枕中一字一洗
雕繪窮鼓吹白雲賡木公此間贈繳高秋
風毋使慕者收冥鴻

送侯郡伯守鄖陽

渴雨生晴溢月流一天離色近中秋白雲
出守苻分虎赤地來畊劍易牛寒水葉飛

江北樹夕陽山在郡西題書好問瀟湘
鴈可向冰霜作置郵

吳元翰還莆次贈

見君如昨別如今秋雨秋風悔出林仙履
不知家路遠絮袍應柰野寒深山中玉板
師無恙海上金鵝蓋可尋我未得歸偏送
客燕歌慷慨變吳吟

李水部使楚楊廷尉使蜀

兩歲比鄰千古心曾無一日不相尋未承
天語秋風起難緩星期夜雨深酌酒弔湘
駟水族停驂逢阮說家林歸程未必分吳
楚好記梅花杖雪臨

蜀天高踴雪峰寒未到能先十日看

聖主命將應念遠使臣行矣不辭難猿聲
訴月更三轉馬首分雲棧幾盤滿着郢筒
春萬里相邀須傍百花闌

懷王元直

十年書不報幾便負霜鴻神去此身病行
長吾力窮覆廬榕葉暗潑酒荔枝紅猶記
脫驂日相期云水東

寄林宗

風吹寺門掩星挂空林秋昨日此時別一
年人獨愁

山中自爲侶衣舄生空香小憇便一日花

間流水忙

八月十五夜看月

空凝露綵冷輝輝香散風花酒滿衣隣杵
不知聲外怨旅人都向望中歸乍離邊塞
雲霄近未轉梧桐烏鵲飛莫話去年秋更
好昨宵先暈數重圍

友夏田祖安期聖胎晉侯夜過

月出夜如失氣寒秋乍分永懷披朗照高
影隨空雲重語不多遠鴈過非一羣最奇
纔到客猶帶卯時醺

于司直雲上園同安期友夏良季公

亮彥琢

樹樹帶霜色不知秋幾深地宜生獨見人
事得幽尋隣衲送香梵牀書窺宿禽吾家
荒逕在於此寄歸心

次良鄉觀米仲詔憲長所移奇石

塔窪村北野草荒草間突兀孤雲蒼欲行
不行氣若鬱將雨未雨天無光云是米家
鑿山出百步千人移數日到此躊躇不肯
前秦鞭無技楚力詘大木縱橫倒一林相
爲枕藉歲年深或需天手妙神用或眷山
祇萌故心我與之言叱之起幾時得渡渾
河水哈呀空洞宿陰霆鯨脊鰲簪立奇鬼
主人好禮尊石公神物亦豈甘牢籠不如
就此樹高閣居處日對飛來峯

甲子九日集茅孝若邸中同賦八韻

九九節爲陽新晴覺雨香隔林吹帽葉昨
夜授衣霜時地同千載天人會一方爭須
傍燕王到卽據胡牀絃綺生泉響籬金散
酒光渚鴻方刷羽沙蟹正輸芒風氣東南
至心期日日將就酣當盼倩銷得鏡絲長

客夜送周虞卿

冷風吹壁月在窓夢人醒對酒滿缸易水
無情夜歌起洞庭已掛秋眉雙何論先到
與先去茶口慕心同一趣期君訪我梅花
時家但畚花數千樹

送周安期

北風沙漠來新寒中吳紵零葉墮馬首一
愁相對茹予游困日月田園化洲渚黯淡
眉上色躊躇意中許歸期托君口欲語不

能語

送倪封公

度支迎養意何如辛苦收租日不虛一着
朝衣先問寢夢中猶課五更書

長安騎馬當安車挈得歸心慰筍魚夾路
秋紅楓柿葉比徐州過望南徐

送胡子延

十月大風作寒鳥鳴枯枝久客豈無家中

夜不敢思斧爨屢遷次爾我朝夕斯賞識
寓貞諒敗闕多所規忽漫爲雲星天濶味
前期各勉山中業志力尚可師三復謝公
語吾常自教兒

歌送譚友夏

長安五月六月間塵汗濯衣人土斑此時
此地一把握相視不語何蕭閒舞鸞寺裡
午鐘默落葉園中夜蟹匿文心應手自爲

命砍地劈天當不得西爽招邀輕策理山
間草木生愁喜僧飯出雲泉水香馬蹄踏
翠烟霜起曾約同游我未知歸來索我倦
游詩傾裝倒篋得殘草蚓抹鴉塗皆導師
只今友道在巖適念念食貧酷價多別似
昔年歌處去一天江雪向寒河

寄聖僕

昨見金陵客知君客維揚落落破寺中風

吹庭草芳太守潔供具粲白蔬水香隨身
惟昂視丹翠生古光止卽懶于動不問星
與霜懷人轉心轂素書無一行但愁明月
凍寒在西北方

送曹公振

菴屋歷春夏共此鐘磬聲把握一二語古
今千萬情仲冬天地寒客子苦長征戎裝
車且挾引酌杯難傾淚落海波水飄散如

兩萍東望苕霅間雲昏霜雪明

答許元燮花下見憶

十尺庭心片石傍梅花一樹蜜脾黃開時
正及大寒日香散滿天明月霜花底尊壘
日日期醉歸還剪插瓶枝看花念我燕山
客兩歲花開兩寄詩

史滄如至

一出黃葉林不聞山水音未必皆聾俗何

之無悔心故人若行脚萬里能相尋及見
弗作禮爲我彈鳴琴

得譚梁生西山見憶詩

杖底下斜曛衣邊掛蘚文搜竒如不及何
暇念離羣樹卽枯禪禮泉將裂布聞題詩
散風葉飛共出山雲

寒夜喜開美仁卿過存病起

一寂斧冰響衆寒歸獨居相過無旦晚爲

念復何如燕筑堪娛酒吳庖解炙魚曰歸
誰得早勿藥報家書

大雪日雪山陰余望之載酒寓齋適
西方僧持潘獻明書至

風聲走簷壁默處何其寒之子履冰寧餉
我林中餐是日大雪日大雪飛長安長安
盛宮闕嵯峨入雲端光輝發朗曜四照皆
明玕縑素後先到共此旦夕懽傳示故人

語秉燭洞肺腑

于司直雪後過訪不值

予方踏雪出門去君亦出門踏雪來去來
數里不相見孤負昨夜梅花開梅花苦憶
江南折香山十月能如雪今年花早雪較
遲再雪好結香山期

紀別

甲子九月二日靈溝送楊師大

湯湯一帶水濺沫皆冰屑亭亭數株樹看

人此離別西翠寒不流東光淡如雪驢背
客衣輕風沙吹片葉

入山

雪枯雲困石林疎幾處生烟響木魚不帶
姓名誰得問山中一日兩移居

冬至夜

出門三度夜寒深此夜空山鳥鳥林耿耿
佛前光一點分明慈母憶兒心

得君熙書頌

江陰六月片雲裁封寄燕山帶雪開知我
憊游才已盡夢花飛挾二君來

石上有懷

孤根齒齒啮冰槎冰底泉聲繞去斜想見
昨游虛坐處曾將雲袖拂苔花

仁鄉別

來此何聞去何見塵凍裂衣風削面執馭

仍呼辨髮奴挈裝祇有如田研款段出城
嘶曉鴻行知到卽是齊東念予十日五日
內猶傍碧雲僧藥籠

山居聞倪樸臣使南挈同吳翁斲還

金陵遙送五言四解

車駕已麟麟天星猶歷歷行丞胡其然使
君銜命出駟驪孰與俱躩躒秘書老相顧
說江南春流綠應早予有賣漿家亦在金

陵市垂楊有地垂門前馬堪繫今日東郭
餞允爲西爽悞折贈松樹枝生風可清路

山中寄于七

山翠疊空層復層日氣不煖松濤水來茲
彌月只枯坐自照一如黃面僧聞君昨夜
會賓友缸飲雪缸花壓燈獨往無由卽雲
上遙擲挂瓢千歲藤

別寓君

雖非乍交與面對宛如初聲影互相借寒
暄移獨居自來無俗客聊可當家書別意
滿幽抱清風吹短裾

客夜

獨卧酒不醒夜帳風吹開燈影黯離夢梅
花香自來

除夕柬以寧

此夜三在此此復徙居三動心隨星杓搖

搖指東南積慮如繇絲續續吐吳蠶豈無
同懷子傾懷相與談明膏鑒默坐返顧生
獨慚久負湖上春兩山交翠嵐

元日同以寧醉宿梅下

開歲一日春四日客掩半扉曾未出對君
各數出山時百轉腸枯指難屈簷鵲罷喧
雞欲棲酒榻移傍梅花低冷香吹夢夢不
遠不在城東應在西

戴元長至

幾見春江綠勞思不能渡詎知把握時渾
河且南湖東風吹薄寒新草承幽步君馬
自軒翔歷塊空烟霧

尋鍾毓甫不得寄之

湖上詩成病客眠烟波香火至今傳那知
老去纔相識醉倚紅兒說少年
樓頭尊酒夕陽低城外東風散馬蹄曾問

所居今不記誰家門對井闌西

春夜集寓齋送顧諶明

得深字

促席傍花陰餘寒客易侵君方問行李誰
不寄歸心遠棹遲春水踈星在曙林未離
猶此夜珍重酒杯深

早過余望之

拂曙尋君君尚眠書聲滿屋起茶煙樵青

春雲綠風落瓶花硯水邊

探月樓

高樓出雲雲在天天風不動春無烟花簾
盡揭海東面夜白如水杯如船不知明月
落吾手長吸清光當天酒銀宮雪窟羽衣
人一曲醉君君醉否

與張龍生夜別

離酒黯不綠與花相對飲櫺風乘間入孤
檠落餘燼假笑向雙玉分宵於半寢所期

湖上尋春波弄舟穩

題邵僧彌蛺蝶圖

芳園霽春日花處皆香窠戲蝶不單飛飛
飛墮新粉

韓孟郁熊羽人夜飲寓齋賦別

紅燈炙酒花氣酣細雨細風香濕簷春殘
復作有情別官冷得於高臥堪一片沙黃
分薊馬千家柘綠養吳蠶知君不問中人

產何處好山無半龕

草橋圖

烟空無際野橋孤橋上盈盈一點情我出
春明應旦暮不知誰向夢中行

美人水中景

風生春欲動溯洄皆豔香却怯水無情照
妍不並郎

坐見楊花

東風已倦吹似憑餘力送一點一年心心
心是歸夢

雨中僧送花

幽花非一香種種盡竒絕帶雨帶烟春無
情有情折

送譚梁生

薊門三月盡春與別如期衣畔柳無色馬
前風有絲白雲遵海路芳草到家時相憶

幔亭上出君遙贈詩

送顧仲從

草色不分天不知春去邊落花香店酒荒
月野橋烟且住無多語兼程一半船逢人
訊歸日今日已三年

夜飲余望之庭中惜別

幽戀得君情客心無此營引花同避席留
月到開城露酒散空碧風經生夜清僕夫

相顧語明日可能行

留別于司直

早雨吹寒淺餘紅入夏新徘徊當別路猶
似未歸人蝶趁園開酒鶯催馬蹴茵故心
遙在望天地不生塵

弄閒草

吳葛一龍著

投土橋店寄聖僕

送客一年盡爾與我爲別別老送彌長殘
陽挂林雪念爾未到家我已止行轍意况
風淒淒窮簷火不熱

送王伯玉歸吳興

不及山中雲先予能識君其如白下酒幾

設未成醺人事冬春際江天雨雪分隔溪
椎凍響夜客到家聞

觀宋比玉漢玉麈柄歌

古玉一尺交雙螭磨稜倒角不可待潤如
美人面上色枯如禪客手中枝何年出土
復入上幾見山精化水母博物應湏張茂
先殉人不特王夷甫以我得觀非偶然奚
况居然君有焉

咏美人畫蘭停筆

蘭心運淑腕心到腕徐徐未藥生香早將
芽帶雨初濡毫深結想臨素轉躊躇所以
摹幽紉何曾異法書芳閨如谷邃佳夢倩
郎胥顧語俯窺者于中自不疎

送許令則還雲間兼簡眉公先生

去來於杪冬少緩亦懂懂有意各難盡也
勝初未逢江帆引山照鄉樹開春容笛步

高齋下憑君問雪筇

紅鸚鵡

隴族通西極於南得氣全近移朱雀里遙
溯赤烏年一正形他褻三還度爾仙物靈
應有變我見更誰先匿可蓬萊竹

山海經云蓬萊

之竹皆未 販湏火宅蓮惟中能見表常得語若

前

逢求仲先生投贈為別

白門一月游誰曰了公事幾日雲中山幾
日城南寺衙齋已自冷簷冰欲垂地客如
井大春亦聞懷片刺園林啓清宴夜漏過
三四燭照瓊樹光生花散天瑞平旦即有
別無能從後轡期棹春水湖茗青兩峰翠
夜過常州不得敬伯先生消息兼懷

林二茂之

沿路訪居停兼程及晉陵長年偷夜柵風

寂恐堅冰樓戍傳三鼓鄰船照一燈太湖
山雪滿乘月好携朋

賦得朗月分林霽

以夜爲太古偕月開天荒微微若有待脉
脉遙相望山缺已明豁林深猶莽莽起步
平地上影藻流煙霜

除夜

湖靜凍未堅予歸渡將黑不然窮一歲隔
水苦今夕十年百二晦點檢半行客少小
樂維新衰遲轉追昔爲爺懶責子慰母強
筋力春先何處來眉端可察識

立春雨晴聞百舌

雨挈春來春挈雨辨之不得空延佇出門
問柳問梅花百舌嬌嬌向人語語新多轉
轉多情今日今年第一聲爾舌不私吾聽
早一聲無處不春晴

穀日任夫梅花樓看雪、

霏微吹凍塵漸漸可花茵酒暖春魂托樓
高夜望勻享天全眷客計日已逢人蔭映
清輝裏高酣咏再晨

魚燈

來應從丙穴濯許借咸池水火何難代人
天不可知勞頰寧獨尾照素有相思藻咏
芳春夜誰非羨爾時

夜坐

止足豈不樂出門皆有因得此深坐夜放
予多累身居然方丈地恰受一隅春月以
香爲霧花將影傍人

風雨日日不及一醉梅花

年年正月十日邊精魂盡落梅花煙春風
無聊酒無賴吹眼不醒花在天今春春雨
連晝夜花事酒情歸一舍瓦甌空對未開

枝憫點春光風雨時

夜晴寄珮卿端卿壽卿

春霽無再宿冥冥今夜中星光不藉月山
氣自爲風暗篠幽花路孤村半畝宮所思
藂一望水處覺天通

折得古梅一枝寄靜甫

入林着意選欲折且徐徐不獨難于畫真
堪常以書寄君燈下看知我雪中居剩蕊

含春細開須二月初

舜五席上賦松江鱸送別得青字

涼風追故美鮮雨膩春腥蓴豉空千里花
醪可數竝山家豐水饌江路繞鄉亭明日
看君發誰堪楊柳青

吳江有鱸鄉亭

吳家池看未開梅

孟月盡來時梅花欲待誰幾家飛雪點一
體受風吹雖是山之僻難言氣不私自憐

遲暮色臨照帶春漸

山夜懷公美

竟日何營營於夜轉多想反側坐爲卧躄
踣偃而仰彼美素心人厚得山水養溪中
春正寒酒醒月未上

枕上聞風雨聲惜梅

陣陣與聲聲燈邊枕上生不知花幾信又
是雨三更夢淺難移聽春寒強定情數株

昔所有偏值未開晴

餘雨

餘雨散爲霧春風知未知客心芳草色何
事一齊吹

二月朔日孔先生諸子偶過篠園飲
別得交字

步步引蘭茗吹香薦野庖不期今日會已
是仲春交情與文生別風先綠在郊花時

復浪出誰爲解花嘲

篝燈獨坐看銚中梅影映壁上畫梅
香吹壁上塵雪照火邊春對默生雙肖相
思化一身分知合是偶我覺爾爲真坐到
平明者應難語向人

二月八日

二月八日天氣變春令不行冬夏戰風前
蒸熱雨中冰冰底轟雷雪初電南村北村

冬閉門梅花杏花交斷魂村翁今年五十
四五十四番同一視風俗猶傳晉陵事家
家凍盤脩嶽祀

同觀公瀾茗看籬落梅花

積陰無可奈籬落白爲天蟠屈安其拙幽
含任所先薔薇分露洗茗葉鬪香煎相視
諸緣泯惟茲得見前

花朝胥江舟次與實父弟別

今日花生日如何不見花時禽
閑別意歌出柳風斜曉郭
暎相負春江綠是涯同來
一宿處臨別指爲家

答月

濯冰濯雨耐陰寒忽照孤舟野水灘
一度在家春幾夕梅花開了不同看

六日雨

出門拜慈母把衣問所去兒言晴五日可

以達其處旣發慎風涉舟算多垂暎六日
雨來沛行人猶路陞籃筍無遮幄蹇策淖
涔淖淋漓村中花顧笑僕夫病尚有百餘
里步步邐與迤私計母心慰見雨頌天仁
路半

路半止行客何曾待夜昏携得桃花雨投
湏楊柳村

句曲道中寄比玉

予發丹陽西君出茅山東相期入縹緲相
望空溟濛蒸蒸浹衣澣飄飄生腋風枯林
上微綠高花畝早紅同此一雲霧不知雪
霧中

石馬冲

揚鬣春田中相怒不相前牧豎戲爭躍拂
落青連錢

白門客舍古梅一株予不見花二十

年矣今年盛開偶爾相值喜作四絕
命童子連環歌之

每來惟見葉離離今復看花滿舊枝行李
便將花下頓坐眠歌飲在于斯

坐眠歌飲在于斯喜不來先與到遲兩鬢
未須輕見妒花曾見我少年時

花曾見我少年時花外經營總不知尚有
未開三五藥明朝歸計且遲遲

明朝歸計且遲遲細與梅花說會離二十
番春一回夢幾多明月照相思

哭張子明先生

父執惟翁在生平得見之此番成一哭以
後更誰尸簡遠遺音載清靈屬續持香燈
司老僕托夢我來時

芙蓉山看杏花

山以秋爲勝今來獨不然數家同稅地一

望可名天花淡經初雨村寒逼禁烟城中
有好事就飲只携錢

清明日城南卽事

節好春之季嬉偏性所存城開爭若赴類
聚各成喧綺錯山容冶風靡酒氣渾祠前
舍利塔人外李花園江照分洲鷺天飛鬪
紙鳶尊鬯猶滿地燈火漸生村

懷王永啓先生

城坳萬綠隱樓紅滑滑鶯聲細雨中養瘵
儘堪銷暇日歸心不待起秋風茶香東道
須名衲山水西泠得寓公過嶺梅花開一
遍喜無他訊累書空

毘陵夜訪陸懋孚

讓王祠畔路東去幾何遙轉巷隨他火維
舟記此橋到猶防已出見乃是良宵知有
心神合應先貯百瓢

越來溪

草烟綠奏柳垂低橋對斜陽墮影西聽罷
情歌聽啼鳥吳船搖過越來溪

四月一日

細風入紅簾曉夢吹不覺覺來春已去燕
語瓶花落

壇上

石面坐壓雲襪縱水心照見人伊誰春歸

一日雨愁盡渡出半帆烟影追百年
酒堪少先子以先文在茲喧風寥寥午時
起除却綠陰無可吹

落紅鋪地看玳瑁猫撲蝶

軟翠作茵紅繡貼晴絲不繫撩花蝶
春猫睡足眼光生撲捉翩翩滾香雪
香雪斑斑體色宜若爲輕迅若爲遲
蛛飛忽趁墻風逝日影一簾春在地

牡丹

自應生愛自矜持自倚朱闌影綠池
造物也難工藻繪旁人空說費胭脂
相偎欲有春心托寂對如聞夜語私
最喜客歸逢穀雨淡晴天好乍開時

孔先生餅中古梅奇幻可愛而生意
都盡復以象生生之首夏驚賞儼然
冰雪間初折枝賦此爲贈

殿色盡歸綠初芳得所因天應私可問日
以見爲春付物裁新意忘形待故人卽真
元在我餅水換湏頻

葑山亭作

到此一諸念宵然何處通僧安只見水漁
出每因風南陸日長午東偏天盡空越帆
先匹鳥飛落葦蕭中

巖任夫以東山花月主人自命命予

作歌

花氣生陰月生霽陰霽相生花月夙問花
問月主人誰主人亦有東山妓山夜夜似
春江春夜月可花花可賓賓主忘情一天
酒月照花眠香滿身

過獨柳居

碧柳垂垂只一株到門因此得相呼先生
賣藥歸來早枝上斜陽挂酒壺

風樓

重屋從中起槐棟百畝餘太湖見八表徐
風飄四虛當之炎炎日有此高高居帆影
在花簾秋聲歸亂書

寄贈蔡孟銓

東方美人居有竹一蔡自能當二陸種魚
之法習已熟數畝霍田畊不足留客每從
雲上宿樓開溪翠寒如瀑幾時來餉桃花

粥我家隣僊亦名族煉藥洲

太湖中

有蔡仙
煉藥洲

美人圖

無聊聊復掩輕羅花學含顰月肖蛾替入
畫圖終是貌繹將愁緒強成歌生烟送綠
春天遠艷水埋香晝雨遲芳訊不通簾半
揭喃喃雙燕語何多

八龍引

有序

承夏兒從郡西渡太湖雲霧間八龍蛟
蜒而下水沸山躍葉舟颺舉徘徊瞻顧
左右前後皆是物也乃有天幸交臂神
物得以無恙告予予記短引

澤湖神物之淵藪時出時沒時無有庚申
六月二十九羣然掉尾曠其首崩雲倒傾
山負走立水上鬪天爲吼千霆若出左右
手親見渾沌陰陽剖兒歸以告予曰否汝

非荀兒莫騰口

夏夕涼坐懷仲和

日乃苦煩熱所思冰雪顏伊人隔一水宛
爾在孤山秋近垂私語雲忙月故閒桐陰
清露下滴滴小庭間

七夕前一日孔先生園中作

未覺星期潤前來話晚涼自交揮汗日俱
以屋爲裳嫩竹修霜色遲蓮遜葉香秋還

在何許幽思滿林塘

初秋日送施善長之北地

秋爲初到客卽便送離舟路逼三韓地衣
先七月裘不知他日會何處酒家樓去矣
還相戒邊烽夕未收

紫薇花下坐月

低罩庭心數尺多露秋涼沁月婆娑去年
亦似今年別斷盡花魂酒夜歌

許元爨招同金斗一納涼臺上

復熱思新爽君家有露臺相邀一夜坐儲
釀十年開秋綵憑雲繪秋聲待月催欲分
還自語無雨是先雷

觸熱過曹去非山館

瓜探井底切紅冰豈種籬根絆綠藤相對
儘忘秋暑酷出門襍穢在家僧

八月十五夜太湖泛月同元爨斗一

明月在水上青山行酒邊孤舟一萬頃明
月五更天情者自無那影人相顧憐倘非
初拭雨秋得此爲然

中秋後任夫以忠季昌實父飲別晚
香亭

得酒以爲得山人將出山會當離夜好醒
覺醉時閒傍水板扉自出烟花月斑秋聲
一兩樹淒切奈何間

井上月

是處堪秋月如何向此明露牀梧翠滴陰
甃草虫鳴照影深深怨期圓脉脉情汲時
剛就手綆斷轆轤聲

涉江采芙蓉

遵渚聊褰碧迴橈恰傍紅叱容惟自悅欲
贈可誰通暮起人喧處秋歸女伴中情多
憔悴易不待鯉魚風

懷比玉因題其畫

風雨在孤舟推篷見虎丘漫然爲昨夜聊
已過中秋卽事寫懷抱於時爭去管飛鴻
復點點鳴葉正颼颼

顧默孫兄弟同溫遺民訪予湖上卽
有石公龍渚之游期以數日復來不
果賦此寄酬

不獨耳能熱所聞常醉人已云真把臂猶
恐是交神山引雙溪棹霜爲十月春林中
白石爨門外野雲身欲別曾三訂重來可
一旬燒燈幾夜坐耿耿到清晨

紅葉

幾許可憐色見時江雁飛半山殘照裏相
送一僧歸

答沛上寇尊生見寄尊生子弟實甫
友也

天波匝地澤湖深山氣成雲砒礪陰芍藥
贈來人隔面梅花探去月通心開樓倘亦
因玄度好俠應先得季任所約屢移寒欲
盡草青青看馬駸駸

月夜登吟壇懷吳居士

杖屨自爲朋荒壇間夜登遠烟生處水寒
月照來冰梅意若爲動酒情非有恒空林
擊木響知爾課香燈

夜飲劉虛受山園

一隅將一畝山水以爲家城夜孤村犬樓
寒老樹鴉因情能入澹於想自生邀宛醉
石公石烟中明渚花

百先偶會郡中夜話

不記別之年一寒長至前店家燈下酒江
渡雨中船母壽各爲賀客衣誰着綿此時
還此地情夢黯生憐

冬至夜同任夫斗一歸自郡中口號
日歸南至喜相將舟到雖遲渡已忙稚子
啓戶客待火鴉雛叫寒天滿霜一百五日
平旦起三十六旬今夜長情話幾多深醉
坐草芽花蕊動微陽

葉仲衍養痾南菴寄訊

雖曰方之外舊居斜對門寶光寒怯照鈴
語夜相存半臂漸花靄雙池濬藥源窗間

一樹月帶雪引清尊

積雪

積雪在林端最宜樓上看思應能自遠神
覺未相安疎處孤烟起一年今日寒松風
亦無賴吹得浪聲乾

小除夕雨憶季昌

寒霖不作雪滴滴在簷牙如此晨昏際伊
人天水涯傳言常病酒或對有餅花莫使

東風疾先將春到家

元日與實甫實甫客歸一日

竹竇寒生煮雪烟
草簷低瀑洗香泉
陰晴氣候占新稔
師友家庭借汝賢
詩和催梅多急就
禮謀于野得從先
春遲半月休相訝
昨夜人歸是去年

適園對雨正月四日賦

歲兼新舊雨如未厭無端益霧非初響滋

芳不甚寒老情兒女近私賀杖藜安香潑
松花甕青歸菜甲盤也知春欲渡待霽在
江干

人日喜百先君治訪雪湖上同得粧
字

渡客邀山雪懽然過草堂寒暄先及酒昏
暮轉生光自此雙扉掩從新六日忙小庭
欹獨樹花不待催粧

雙筍梅

折枝俱當意因得置朋尊雪破枯林凍春
分滿月痕無人能自好隔水是同根不黍
吾兄弟中宵與晤言

客去

矮屋埋深雪風聲一何緊客去酒剛來燈
勸梅花飲

史滄如携琴過訪

櫻桃花開山雨紅有客乘舟雲水東舟空
祗餘三尺桐山人氣骨林下風姓名不署
神相通別云訪我若不遇自彈一曲出門
去

桃花曲 四首

杏不遲梅梅不先桃花爛熳亦同天艷陽
無賴冰霜苦顛倒春心過一年
花開未了已生愁懶逐羣嬉不下樓啼鳥

數聲風幾信可憐枝上五更頭
湖上爭妍千萬重如何怨只怨他紅也應
命薄能相似難道春風面不同
日日看花紅雨村落花天氣易銷魂虎丘
山下真孃墓若箇游人爲掃門

王修微期會菰蘆中予已出山悵然
答意

聞說麻姑訪洞庭太湖雲袖拂烟星水西

人去空洲遠一片叅差荻笋青

別詩 有小引、

秦淮楊美人字纖纖載生花之筆泛太
湖越月盡歷兩山名勝歸志決焉風波
作矣予家寂寞之濱以飄泊得至信宿
盤桓悲歌爲別、

誰謂風波起風波最有情花船雙影燭柳
夜一聲鶯幽寫分薌澤圓期給月明片雲

從此夢無處不盈盈

夢徐惟和

生死定交交臂前詩篇已作古人傳夢中
無處堪頭白每每相逢只少年

葉肇禧還朝

天氣方炎際公家有事時兼程兼日去若
此若爲遲楫擊江雲起服微關月知鳳皇
需翰染烏鳥答情私舊館誰堪主先鞭我

導師

送王公武

燕客曾期我待君今翻先我度江雲虹收
急雨遠天豁炎炎氣作秋風發時當多事
戒裝前昨日安車今不然

六月二日比玉過飲白門旅舍待雨
畫竹因有昔年待雪之感遙酌玉長
賦呈聖僕

大雷轟轟挂簷木酒墨淋漓風滿屋雨氣
寒追待雪時當時已失吹簫玉一暑一寒
離會間何郎俠骨瘞湘山寄言城外早眠
客送淚荳花離落班

聖僕招泛漁灣觀漲期比玉不至

六月清淮水盡益巴川流數曲一城外小
泛如登樓日午風氣變朱炎爲素秋柳蟬
鳴浸中江鶴摩檣頭齋盤潔冰玉瓜沈李

能浮主人非選客卽契無他求醉我猶待
君暮山頻掉舟

舟過鳧藻閣

曾爲閣上客閒領一羣鷗柳色知新水城
陰會早秋於時只旦暮此外巴山丘俛首
孤舟度殘陽與逗留

至白門不及會伯敬先生

出門當溽暑流汗到於今竟日惟搖扇清

風自隔林向能容懶漫何以答高深柰可
憧憧往船開雨半陰

天界寺逢一雨

兩山相對住多不在山時于此一爲語偶
然如有期空先文字立老未杖藜知餽午
松齋雨因風細細吹

兩過茂之新居俱值他出

近遠居新徙尋求路轉微詎知連一巷依

舊掩雙扉傳語經旬出曾期昨日歸寒蟬
在隣樹聲帶夕陽飛

行路

六月十七夜作

驕陽冶天地當午息徒衆睠睠星河生喧
喧車馬動僕夫促就路行矣尚爲夢數里
偃林木幽黑若深洞旣出見遠火雨忽倒
千甕淪浹膚與髮衣襦上新凍感此一晝
夜迭爲寒暑用予生亦何爲甘受物玩弄

歸將事吾友吾友於陵仲

舟中立秋

執熱亦云苦自爲行路吟快聞秋已是更
值柳之陰不盡水天意漸生冰雪心故山
窮巷裏到夕可鳴砧

吳門七月七

承天寺作

吳門七月七異我山中秋穉塔崇沙礫神
燈賽女牛風涼寺裏樹月淡城西樓一段

明河水何年截愛流

哭孔先生

五日曾題絕命辭鶉鳩聲亂雨絲絲別經
累月緣何事悲入清秋尚未知恩義兩歸
無不盡古今應負幾相期藥房斗大燈帷
冷吹殺西風獨樹枝

施正甫雨宿山齋話舊因感道行先
生次韻

蛩親螢燭稀山氣鬱松扉十二年前宿同
然夜雨微幽花香不見碎葉暗爭飛再昇
陶輿訪嗟吾願已違

水宿弘濟寺同王扶搖擁衾待旦

舟貼半山寺水生殘月天雞聲不在岨鴻
影下離烟路曉發於此心秋歸獨先隣
高擲火竟夕照無眠

鄒舜五泛太湖採蓴見惠湖中向無

蓴採自舜五始

炎霜鱸脯蓴芽紫採者年年擅其美一匕
重封寄到時洞庭山下秋風起山下秋風
曾未知湖中已自有絲絲參差綰帶多似
是膩滑晶瑩能獨私菱湖泖湖物靈接千
里儲羹非浪說六郎好奇發此端日弄小
舟風露寒

題比玉齋

雲去冷石氣。樹撼搖山風。幽人有茅屋。坐對秋江空。

端卿往潤州予往白下舟行相失寄之

把手無多語。各人催發裝。所期於鐵甕。相失自金閶。一路初寒色。兩船明月光。君懷予得似。只隔水微茫。

仲茅露臺成招飲月夜十月十四

臺生新閣外。山不隔城看。風葉文飛草。霜鴻度倚闌。萬聲都沉寂。一氣自高寒。平地多明月。如斯會意難。

揚州夜泊卽事

江空城夜冷。高樓有美鳴。琴樓上頭只。此柳窻微月。照似他花澗。暗泉流。幽音彷彿。因情寄遠。聽其如不見。愁誰謂。廣陵絃已絕。巫山巫峽在孤舟。

送伯敬先生督學閩中

星郵未曉催路起石城隈
雀舉遲江箭鼉鳴般雪雷
門墻因地峻霜氣得陽回
四字昭天秩全閩範楚材
聲聞國雅作嗟動物靈開
相送先春草相思卽夜梅

雪夜懷無邪兄

屏氣對孤檠有無窗外聲
未察夜何謂可勝寒不輕
之人隔縹緲於我勞心情
來歸

卽歲暮披凍理榛荆

臘八日出都門寄聖僕

一冬寒旅食今復履嚴疑
蜡里應遲我齋緣已誑僧
遠青殘雪襯荒落古雲憑
只是難爲語情人別未曾

寄懷葉中祕時奉使出塞初還金陵
無數江南樹蕭蕭待綠吹春將歸信及星
比使君遲夜火明高壘邊風裂凍旗間關

出塞意惟有雪鴻知

立春夜夢中作

萬藥千花嬌綺羅
歎紅人少踏青多
春來只覺山林小
樹樹鶯聲到酒窩

初雨

好雨來何許
若隨人賀年
減寒方却霰
將曉尚爲煙
喜不三農後
滋能百物先
晴陰亦常較
今日始知天

歲首和陶

開歲倏五日
曾未啓籬門
雨雪互相代
水泉生石根
鄰舍息往來
但聞兒女喧
昨從少者後
今列丈人尊
返顧此日月
所事詎可論
架上故紙落
盎中新釀渾
爲樂亦何之
溪山常在園

春雪中舜五諸子茶讌藻園同用心
字

風雪不相泥與春同人林樹榮花借貌泉
哽石爲心客許分清享天應諒苦吟還憑
數片葉消得夜寒深

十八夜看燈元爨家燈旣奇豔有古
梅一枝橫絕奇豔中最當予意因作
此歌以醉諸子

月林醉客客三五踏月看梅看燈火及到
石家夜當午如晝高堂雪蛟舞觚尊翠澁

商周土隔紗調語紅鸚鵡秦蛾漢燕妝楚
楚禁柳宮花碧煙鎖主人氣骨自清古置
予獨傍梅花坐一枝恠寫春心苦影香不
落孤山譜

寄贈雪郎

芙蓉香豔玉精神顧盼生秋笑可春好問
使君新出塞後車千騎擁何人
娥娥弱質強名郎曾向天山犯雪霜千腋

狐裘輕不御。隨身自有辟寒香。

雪中看梅吳家池。追感道行先生。

歲歲年年地。家家樹樹梅。杖携從每後。瓢
棄此空來。春雪無三尺。春風又幾回。獨吟
池影照。不忍踏蒼苔。

揚無遠訪山中。不數日卽還雲間。送
之梅下同觀公輪公。

獨自維舟客。因子興乃乘小談。消夜夢半。

醉落春燈野水烟。香潑晴山雪豔。蒸同來
送別者一二看梅僧。

題白民畫竹

髯郎好竹好神仙。收拾清風自賣錢。白紙
小窻茅屋裏。夜吹蕭颯曉生煙。

江樓看雨中梅聞笛

故是來看好。千花在一窻。氣寒移。晚爨香
濕。委春缸。何處傳遙響。伊人怨隔江。見聞

俱有意高溜自淙淙。

三月一日聖僕夜日堂與陳幼謙飲
別

清明後雨傷花神一雨半旬晴未真紅香
可惜在今日白首相逢非別人秦淮水新
酒船動皖城柳綠歸裝貧欲行不行天欲
暮北風吹冷江南春

費節卿招集雨堂出張鳳姬度曲同

比王賦

春堂雨寂燈焰銷美人按曲情絲飄新鶯
之聲不敢驕坐客相對俱魂搖莫愁家傷
城西橋

林中草 有序

予有林中草二百六篇失去三十餘年
已無可記憶一日子丘茂之伯仲購得
金陵市上質諸俞駕部謬以正聲見賞

予聞而索觀有若探環見手中物也且
向時酬對諸子存無十二感慨係之因
賦五言以報伯仲并呈駕部公

少小慕結撰徃徃付蕉鹿憐才有二子行
市偶傍矚故紙與陳言得似蛾眉贖持歸
質吾友乃識初面目夢人恍隔世交臂多
鬼錄感嘆如見之再誦以當哭春風吹秋
聲空烟散江綠

月好東聖僕比玉

春應如夜過三更春月無如今夜明乍見
不知爲客遠獨眠還起踏花行影邊之我
聊相顧照裡伊人乃一情以此清光闕未
得抱關胡早閉重城

延陵道中

二麥青黃雉子斑棠梨花滿夕陽山山村
接望無烟火寒食寒猶在此間

登茅峰有懷

路出靈峰幾折盤杖藜因勝險而安四民
俱到惟三月五嶽將游此一端氣結仙雲
泉別玉歲占豐穀樹生丹曾同獸窟山頭
望眉列東南黛色寒

惠山二泉亭見比玉題壁詩喜賦

亭以泉立名泉以亭爲表旣曰有其一二
胡不可少一泓靈氣泄天地亦易老甕盎

與瓶壘轉注無昏曉博施豈不厭所達窮
陬徼吾友百越來更值歲云杪秉燭嗽芳
潔題詩見懷抱松風走蒼壁陳烟悉如掃
誰知古鈇脚石室之鴻寶

聞潘商城改高陽李崇安改德清因
寄

見說移花去春風到已先依然百里內得
近五雲邊事簡堪眠晝憂深在補天高陽

有地主多謝酒人賢

我憶神仙令承明謁
帝還新隣鏡湖水
舊治武夷山奉薄曾分寄風清得臥閒喜
茲迎養好一日往來間

送春前一夜雨中永福山樓聞笛同

端卿實父端卿方安塋兩尊人

豈勝春咄咄邪
夏雨沈沈苦竹三更語
慈燈一點心
夜寒來自遠
卽事聽難深
早已

無花落樓頭空積陰

送春

相逢殘雪蚤梅邊
相送淒風細雨天
自小鍾情今老大
又看明日是明年

新夏山中懷沈雨若

楚色烟中暮
山情水次寒
柰春將別
賺分日共游
難客路棠梨雨
誰家芍藥闌
愁邊如慣歷
佳處不曾看
絮歇游絲懶
梅青酒

病拚燕簷新竹刺蝶寢夢香殘遠素雲空
劈枯唵草未安所懷聊自許觀漲會江干
傳公訪山中有贈公善易善青鳥每
相合同有奇中云
慧生應有根用易乃周身念若不同世見
無非宿因水邊山下地心上眼中人於此
感相示吾師唯一真

送實父

有引

實父弟歲往彭門必於春夏之交以爲

別情景相值人何以堪茲行先一日雨
如綆不止乃與掀髯促膝小酌細談曰
一別一回老矣既深處仲擊壺之嘆復
銷江郎南浦之魂爰有是詩書歸懷袖
只此雨聲內其如爲別何隱憐山業淺老
媿旅情多浣月春衣酒愁霜曉鏡呵離根
看弱絮隨遇用懸河砭砭平城岸田田遍
地荷水防非末議阜處着行窩

葑山亭送傅公還桐溪同養浩孝真
見水卽有別。舍舟如放閔。幾盤溪上路。一
碧寺前灣。風晚先聲濶。雲晴寫照閒。小亭
同飯處。明日隔湖山。

寄聖僕

引有

聖僕二兄以壬戌之五月五爲五十四
初度端四日子始至京口望石頭盈盈
一水逕往未能聊寫此心因風遙寄云

望去二三百里遙思君五十四明朝倘然
無客自飲酒亦復有聲能倚簾長命會投
黃玉杖放生船待青溪潮柰何時地不相
及雲曳片心江上搖

後游

小引

潤州城南十餘里有獸窟山卽劉宋處
士戴顓高臥處也向曾携家相訪夢想
不忘壬戌夏五重爲一瓢一笠之游時

山靜泉清契若干古亭閒寺冷閒無一人快拂前題漫成斯咏

永夏清和後高尋寂寞濱詎論閒歲月能寄此精神園處徵嘉樹山窮見古人寒泉不照日幽鳥尙啼春練影松閑度風聲虎穴鄰題求曾記石顏厚半生塵

甘露寺

坤靈用不慳勝處着江山此有若僧待我

游成老頑龍宮鐵塔下麟塚玉浮間五月風秋氣千檣日暮灣蘆青將岸去雲濕弄潮還石爛唐人字岡雄楚客關褰裳卽壺嶠分服帶荆蠻殿背螺雙髻樓窺豹幾斑庾塵那待到謝塵竟須閒松堰飛蒼鼠花籠放白鷗亦知城近遠煙火自人寰

伏日江上懷曹元巽

晤語無多便出林榻曾許可宿藤陰而今

兩地過三伏以上千秋契一心脉立浪頭
風坼岸鼉鳴城脚雨埋岑相思正苦還私
慰雪色麻衣暑不侵

聞凝父薙髮雲棲感賦

持心作慧刃撒手斷恩眷遠投虎穴中虎
亦爲君善一髮視一染薙去明光現想此
薙髮時對佛了洪願所恨遲十載不及大
師見

一夜雨

一夜淙淙直到明何其暫作夢中聲不知
此夜長多少愁滿江頭鐵甕城

題梁昭明讀書處

獸窟山荒石案平松風吹斷讀書聲蕭梁
日月千年後獨自高懸太子名

多景樓

來登此度三茹勝飽猶饒煙海潮頭日風

村樹裡帆天聲引清籟秋意着輕衫洲斷
江雲起金焦影半銜

砍橋店題主人壁上

山烟昏晝雨風斜岸引江橋入店家閒只
主人忙只我石榴花底飯桃花

李孔凡別二三年薄暮相訊旅中不

值

雨暮半爲烟出門皆雨前得聞溜語語因

記別年年復以此相失恰焉誰不然明燈
銷夜氣初伏冷秋天

過師藩新居

移居委巷中未許隻輪通我到卽相評謂
西今在東桐陰下閒晝蟬吸飽涼風事事
歸幽懶知君善此宮

寄懷朱國蔚

結思空半生爲望轉盈盈天若水相代雲

將風便行寒暄芳草歇旦暮熟梅晴亦復
壚頭臥因君作楚聲

漫翁茂之伯彭公亮訪予客舍因同
雨泛青溪暮酣分棹各有所賦

偶爾豈無意極歡非意求坐呼淮上酒轉
溯溪中流柳雨自生暮蘆禽先聒秋換舟
吾醉甚錯謂下高樓

崔公超將赴登萊招飲

炎景下屋角爽然空一庭微談卽時事小
具乃侯鯖客半乍相識別臨何可醒秋應
待君發聲去海波寧

俞駕部園池之上九華仙墅成初宴
諸子賦呈長公伯彭

已是一江上所營都不經雲行全在地風
起若因汀置客眼光綠露山頭髻青暑空
松雨霽曉失柳烟冥懶石通鷗性閒藤罨

鶴翎初移東浙箭亦種太湖萍徙倚出歌
月拍浮當酒星魚龍秋入夜筆墨醉能靈
衆壑收餘浸旁巖啓半扇簾廊兼閣道漁
子卽園丁此見煩多訊看花第幾亭

李孔凡回園雅集同張彥先

得秋字

闢此及春夏我來猶未秋循臺得幽路出
郭見高樓業以飲爲事自非天可憂四煙
鍾後起松翠帶聲流

退翁宗侯自洪都走梁溪爲其先公
孔陽先生乞銘鄒彥吉學憲會別白
門賦此贈送

支病冒江熱路咨雲水窮天家尊孝子隧
石重愚公計日梁溪上逢秋楚夢中知君
聽不得泉雨會松風

夏日子丘茂之青疏閣卽事同聖僕
昭質

云爲都物外高構乃城中山翠著根起塔
光於四通纜經一晝旦如闢幾鴻濛雷雲
風日雨亦復挂烟虹

胡服圖

小引

費二節卿爲卿相家子而天生俠骨將
種弗如也目睹時事髮上指天志欲搗
胡一洗國辱乃作胡服圖以自見屬同
志友人題詞壯之予言不多亦當繞朝

鞭贈

誰寫誰家美少年張之結束黃之貌奴卽
崑崙女燕趙復倩宋郎添一笑寶刀半躍
魚皮鞞龍騅權竒鴉色耀氣壓天山山欲
倒挈鞭將轡烟霜曉顧看今事何草草力
駟膏骼填荒徼關門一閉輿圖小拊髀
天子憂心悄郎君有骨侯能蚤肯守章句
牖下老見志服胡臙羯掃貂貉蒙茸非自

好

京口立秋十絕句

江雨易爲秋。秋應先到舟。僑居卽舟寓。城裡是江頭。

出湖逢競渡。約歸采蓮子。此際白頭人。開門望秋水。

病目畏明豁。枯坐黑室中。不知秋至未。心響在梧桐。

時事亦易處。鎮定釁不開。水城今日閉。秋從何處來。

山妻亦善病。寄信訪醫王。曾說新秋好。晨昏驗藥方。

一月金陵去。秋還會此間。問兒行樂處。獨未到焦山。

庭中紫薇花。花開此時節。三年別不成。只恐今年別。

小郎爭夜課每語避炎蒸今夜唵壇畔應
添竹屋燈

比舍如藥籠起臥苓朮裡秋思轉生親交
相問有喜

昨日送歸人寄言歸有伴不及秋風前相
將月之半

苦熱龍潭道中憶張隆父聽雪齋因
寄

張郎雪居在何處簷底芭蕉屋頭樹空空
四壁照寒水簌簌有聲能不住留客分題
許亂拈曾云記此以消炎今欲從之那可
得喝夫疲馬汗漸漸

南徐蚤秋寄程孺文

我昨尋君塘上家柳蟬聒翠夕陽斜頭白
偃僂自結襪怪我北轅何不發君亦能來
問酒人酒人一出便經旬却從此地動幽

想張翰黃花秋壁上

壁有故人張子明詩故云

舟中秋夕懷馬比部具巖

隔年相念已無端
此日懽逢別易難
片葉又飛江上樹
一星還在客邊看
秋心入夜因聲動
時事多艱仗法寬
最愛白雲堪吏隱
出門山脚藕花灘

別南徐寄談季曾先生

別記衝寒歲欲闌
到今曾得幾時閒
六橋

煙夢西湖柳一寺
江聲北固山
病暑却于秋更懶
氣霜非是近難攀
歸心急暮蕭蕭雨
尺牘空題艤棹閒

遇雨憶實甫弟

陣雨偶然作亦非
因我舟其間有神物
身世與之游
雷出枕邊際
水喧天上頭
阿髯歸亂後
相見說同愁

東注無際

時在白門

歸到南中未到家牛頭山色後湖花幾尋
君說出城去祠畔有僧留餉瓜
會卽殷殷話懶髯弟兄逃酒是前年四更
秉燭猶聽雨五里衝泥不見船
今事紛紛唇舌間有心人復使空還相逢
此地惟搔首貸酒當壚小綠鬟
行時贈我玉華牋曾記宣和第幾年珍重
不妨秋數筆小窓疎樹落山泉

此夜

此夜客孤征天還不肯晴渡星雙脉脉零
雨一聲聲事可知無謂情多累有生回看
百餘里猶是潤州城

時承夏兕在潤州

石木魚

在洪都雙領下長二丈餘口鑿六十八
孔傍有古彌陀佛石五字
卽木魚不真又以石相代受記南無佛照

沫西江派

嶺下石木魚說有二三丈曾經一棒打六
十八孔響

枕上

五日之程十日行雨蠻風戇許多驚秋來
枕上無他夢機杼聲中絡緯鳴

五憶

養浩介孺

結髮雁行人已半墓拱木徐行最後者亦
復鬢將禿生能通我心餒可剜伊肉昔羊
非一哀今鮑有二叔

雲伯斗一

丁年氣方盛通夕共燈火出山亦何爲蓬
累非一所事去不可說餘力尚須鼓返顧
三十秋依依爾與我

明生季昌

狂有所不爲、猶有所進取、二者能若斯、非斯復誰與、斯旣不能得、雖偏亦可喜、所以聖者心寄思、非得已。

孝真舜五

二仲氣節俠持養、都不淺、可披五月裘、嘗從一春酒、微唸有餘意、瑕疵亦高選、落落眼中人、崢嶸後來彥。

觀公輪公

所居山水半、中有半區竹、雖覺東西分、同餐雨煙綠、我適龍藏游、困憊舟與陸、因之一作想、五內轉水轂。

白門逢唐仲言賦贈

海客天游氣、蕭颯胸中另、具一日月神光、內照五蘊徹、自有之明用、不竭況於視聽、得兼攝萬卷、通心聲、應捷亦不停、披筆在舌、唾餘皆是名山業、我熟其書始相接、白

門握手飛秋葉

見虎丘

遙遙見虎丘，催換渡湖舟。
致語千人坐，賒予半簞秋。

送曹元巽虎山橋看月

處處月明堪醉秋，如何特放太湖舟。
太湖之北山面面，兩翠夾流虹。
一線月來山靜，秋拭煙酒光冷。
浸波中天，此時憶我我未。

醒亦自拍浮三萬頃

八月十五放舟湖中月飲通夕

地光天水平，月直露舟橫。
秋秉一年夜氣，含千種情。
唯隣得空澗，無指不分明。
抱甕枕杯杓，出雲雞犬聲。

共開時舉畫台式前住送望畫附亭

附亭在終亭

附亭在終亭

轉日莫驚開步

舉步兩注為附

中其意百難

去標其望

